

傷寒尋源上集

錢唐呂震名榛村著

傷寒正名

萬病莫逃於傷寒。傷寒之祖。斷推仲景。而後人輒議仲景之書。詳於風寒。略於溫熱。予謂此非惟不知仲景。并亦不知傷寒。按仲景本素問及八十一難等書。而作傷寒論。考難經云。傷寒有五。一曰中風。二曰傷寒。三曰濕溫。四曰溫病。五曰熱病。其所苦各不同。形既曰傷寒。有五則傷寒祇屬病之總名。而五者之中。病又不專屬寒。因若風若濕若溫若熱。同隸傷寒。有五條下。仲景作書。而以傷寒命名者。義取諸此。今從仲景原文。反覆互勘。其實仲景大法。合



南京中医药大学图书馆版权所有

傷寒源 三卷

重刻民國八年工部
大正八年八月

光緒七年秋八月
重校刊九月工竣



序

余既爲呂君櫟村作傳從其子小櫟茂才索君遺箸得內經要論一卷傷寒尋源三卷受而讀之因憶與君交廿年輒能髣髴君視君治病之暇好飲酒善奕棋余常過君几上縱橫殘帙一編爛然則所箸傷寒尋源也牀頭越釀一甕旁几楸枰一奩二奕友見客至輒避去窗半破風吹有聲短童髮鬅髻侍側室中嬾不治日惟孜孜箸書是三卷上下二卷皆成書中卷詳諸證候猶有未備蓋未竟作也君之驅使草木如其奕下子無一閒著而其嗜醫殆甚於其嗜酒技也而進於道宜哉夫三墳言道書闕有間唐令列醫學付之執技之流薦紳先生罕言之去古日遠說益殽雜人命至

重可爲寒心君是書庶不背古亟爲檢校以行於世要論一卷尙
俟續刊咸豐甲寅長夏吳縣潘遵祁識

至誠錄去書半如風如百濯臥龍溪試得針圓室中融不日
傾視著書寒暑也出根更難一變受八林林一益二奕文良客
吾前錄之理汝增既善矣其常盛吾八土錄難矣神一誠錄然
一卷書寒暑則三卷受而歸之因就與吾交廿年陣前邊錄吾別
余預爲呂氏林林外辭於其子小蘇茲本索吾書散著吾內錄要備

乳



自序

醫學始於內經而仲景傷寒論實爲羽翼內經之書內經闡發天人奧旨非尋常能測其涯涘仲景就人一身之表裏府藏推闡陰陽搜抉病機此以人道合天道使學者有切實下手工夫不止爲傷寒立法也而其書以傷寒命名者蓋以病之最繁而善變者莫如傷寒傷寒及雜證總在六經上辨認能解得六經辨證之法雖繁劇如傷寒尙不爲多岐所眩而雜證卽一以貫之故學醫者必從此問津乃不迷於所行惜其書散亡於兵燹之餘經王叔和哀輯成帙後之學者墨守叔和序例之說以爲凡傷寒之病多從風寒得之殊不知傷寒不必盡屬寒因若風若濕若溫若熱皆統轄

於傷寒二字內仲景大法井井本有矩矱可循特以序次錯綜必待善悟者觸類旁通方能得其神髓淺嘗之輩未經深求於是執麻黃桂枝治風寒之成法而概施之於溫熱病誤矣及其既誤遂謂仲景之法宜於風寒不宜溫熱於是談溫熱者接踵而起補方造論非無可採然舍仲景而言溫熱究屬一家之論必仍向仲景討根源而傷寒之面目始全僕究心仲景書二十餘年差有心得因將仲景引而不發言下躍如之旨一一拈出分爲三編首編辨明風寒濕溫熱源流及六經種種辨證諸法次將各證辨別疑似疏爲中編後將制方精義疏爲下編採歷聖之淵源綜諸家之得失理必求其至當言匪涉於無稽仲景自序有云若能尋余所集

雖不能盡愈諸病庶可以見病知源爰名是編曰傷寒尋源俾及
門諸子得藉是以爲讀仲景書之津梁於醫事亦不無小補云
道光三十年歲次庚戌冬日錢唐呂震名譔



錢唐呂櫟村司馬傳略

壬辰秋余弟病瘡旣止復作屢易醫最後得錢唐呂君櫟村治之
乃瘳自是知櫟村之能醫一家中有疾必咨之輒應手愈余不知
醫自與櫟村交始知醫之不可嘗試也益不敢輕言醫櫟村精於
醫而嗜酒客臘忽得腸癖證余視之謂余曰此中滿漸也滿則不
治余勸以節飲未幾果患中滿余又視之已自知病必不起不旬
日竟歿於寓其孤以濱將歸君喪撫君生平行略屬爲文以傳之
余交君久又與君弟銓爲同年友不敢以不文辭按君諱震名字
建勳號櫟村先世自徽遷杭世業儒祖諱嗣林字蘭田樂善好施
鄉里賴其周濟父諱文燕字賡揚克承父志以節儉起家家日豐

生丈夫子三君居長以伯父學謙公無子爲之後幼卽岐嶷長而慷慨讀書不事生產比君登賢書屢上公車家已中落循例就直隸州同分發湖北所至有政聲時林文忠爲方伯裕節愍守武昌皆引重君駸駸將大用君忽動歸思杜門不復出生平酷嗜醫書乃益肆力適君之友王雨樓廣文僑居蘇州因來蘇主其家余之初識君也以疾就診君問切精審不雜一他語立方必起草閱數刻始安猶諄諄論疾宜忌終不雜一他語後見君治病率如是心重之別駕汪君杏春余妹壻也亦數延君治病憶余一女甥方試周忽遭疾將殆矣余夜往視見病嬰仰臥胸膈如阜呻吟拒按余曰是得毋結胸證乎盍與襟村商之翼晨延君至曰此果結胸

證宜小陷胸湯如法與之立效君因是許余可談醫而不知余固偶臆度之實未嘗知醫也余嘗病痺治以茵陳湯不效易平胃散又不效腕中若藏井底泥米飲至前輒噦以問君君曰濕固是已此寒濕宜溫之與五苓散加附子藥下咽胸次爽然又余次兒病胎瘡僉云宜多發汗勿遽止君曰金匱言凡瘡以十五日爲期過此當一月此證裏邪爲重不當發汗僅取半夏草果苓朴等味始終未一用柴胡兩旬竟霍然十年前有方氏子病傷寒疾革議用牛黃清心丸其父來泣求丸余詰其狀曰丸何爲惟呂先生或能愈若子方如言延君至曰邪在腑上蒙心包開之是揖盜也宜急下存陰投以犀連承氣湯明日方喜告余曰病愈矣己酉秋余嬰

時疾疾甚深君日必兩至親戚來問訊爲余危勸易醫余雖瞑眩
非君不進藥卒賴君力就差先是隔歲余大女歸省感疾頗反覆
壻家亦有醫來鮮折衷余晝夜審察心力頗瘁倚君獲無恙然余
女病及余病皆久而後已或謂是本小疾治不如法故效遲獨余
知君之臨證確有把握隨病之進退治方未嘗以方之出入試病
也今年四月余患頭暈就君診君已病猶爲處一方越日再就君
而君不能起矣扁倉不作能毋惜哉君熟於內經六氣五運之法
洞視八脈徧覽百家而一以仲景爲宗其言曰仲景傷寒論以人
道合天道使學者有切實下手工夫不止爲傷寒立法能從六經
辨證則雖繁劇如傷寒不爲多歧所誤而雜證卽一以貫之可謂

得醫道之要領矣君之爲醫急人之病如己病一家有病者數人
一一處之無倦容暇輒手自撰論闡發仲景之學寒暑無間精力
由此漸耗前年得中風證自治良已生平惟嗜酒不意其竟以此
致疾疾且不起也君爲人伉直不屑屑問生計僑居吾蘇二十年
口不言貧沒之日猶畱酒債余爲償之嗚呼君以高才困矮屋一
履仕途翩然高蹈挾其技以活人殆所稱不得志於時者之所爲
耶惟余之交君也以醫故論君之醫獨詳所著有內經要論若干
卷傷寒尋源若干卷皆有功軒岐之學他日必爲世寶筏君生於
嘉慶二年七月十九日未時卒於咸豐二年五月三日午時春秋
五十有六道光乙酉科舉人前署湖北荊門州同知予以淺錢唐

縣庠生女二張侃高廷勳其壻也女孫二

潘遵祁曰後漢書載華佗郭玉輩治病恆有神術不可思議然非人人可學或疑不經仲景羽翼內經推闡陰陽著書立說爲後世醫學之祖史獨闕焉何也君力求長沙宗旨窮其奧窔而未嘗曰自恃臨證若遇大敵然不敢以病嘗其術孟堅有言拙者失理以瘥爲劇若君者庶幾免焉

楚夷戎且不賦也皆爲人亦直不佩佩問主情衛武君箴之七平
由北漸拜前辛幹中風漸自前夏口主平漸習而不意其竟以北
一之無辭容迎神手自野篇開經中景之學與昇無間辭代
外醫文之要辭之故醫慈人之誠收以衆一宗百派皆懷人

傷寒尋源上集

目錄

傷寒正名

論王叔和

闡泥四時論病之謬

闡泥日數分經之謬

論陶節庵

論吳又可

諸家編次

司天運

分別陰陽

十二經離合

察脈大法

寸口脈論

趺陽少陰脈論

脈分陰陽死生論

仲景六經辨證與內經熱病論互異

傷寒論卷二

辨中風一

辨中風二

辨中風三

辨傷寒一

辨傷寒二

辨溫病一

辨溫病二

辨溫病三

辨溫病四

辨濕溫一

辨濕溫二

辨濕溫三

辨濕溫四

辨濕溫五

辨熱病一

辨熱病二

太陽問答一

太陽問答二

太陽問答三

太陽問答四



太陽問答五

太陽問答六

太陽問答七

陽明問答一

陽明問答二

陽明問答三

陽明問答四

陽明問答五

陽明問答六

陽明問答七

少陽問答一

少陽問答二

少陽問答三

太陰問答一

太陰問答二

少陰問答一

少陰問答二

厥陰問答一

厥陰問答二

統論六經

